

Geaidnoplána

Geaidnoplána lea áššebábir, mii vuođđuduvvá láhkii

Geaidnoplánema stivrejit eatnangeaidnoláhka ja -láhkaásahus. Plána ráhkadeapmi ovdána čuovvovaččat:

- Plánema álggaheamis gulahuvo dábálaččat aviissain. Plánenguovllu ássiide lea vejolaš váldit oktavuođa earáge heivvolaš vugiin nugo ovdamearkan reivviin.
- Geaidnoplánemuđu lea rivttes áigi váikkuhit fidnu ovttaskasáššiid čoavdimii. Geaidnofidnus beroštuvvan olbmot ožžot háliidettiineaset plánema guoski dieđuid ja sii sáhttet oahpásmuvvat plánahápmosiidda. Dán muttus lea maŋimuš vejolašvuhta ovdan buktit daid ovttaskasáššiid, mat leat plána gárvema dáfus dehalaččat. Plánejeaddjit geahččalit váldit vuhtii dieđus leahkki dehalaš áššiid ja maiddái ráđđádallat maŋggain čovdosiin ja ovttaskasáššiin ee. eanaeaiggádiiguin. Maŋgii albmanit goittotge áššit, ovttaskasáššit ja árvogažaldagat, maid birra plánejeaddjit eai vealttakeahtá dárkilít dieđe. Danin gánneha váldit oktavuođa plánejeaddjiide ja muitalit áššiin, mat vejolaččat sáhttet váikkuhit plánemii ja čovdosiidda.
- Geaidnoplánas albmanit geainnu báiki (linnjá) ja allodat (dássen), geainnu sierra oasis mihtuiguin, geainnu rusttegat, geaidnobirrasa huksen- ja gieđahallandoaimmat, geainnu várás dárbbášuvvon viidodat, eanaávdnasiid váldimii ja lánemii dárbbášuvvon eatnamat, goikadeami várás dárbbášuvvon ordnemat ja maiddái fidnu golut vejolaš juohkoossodagaiguin ruhtadeaddjiid gaskkas.
- Geaidnoplána dollojuvo eatnangeaidnolága mielde 30 beaivvi áigge albmosis gielddas. Gielda gulaha plána oaidnimis. Nuppástusaid háliideaddjit sáhttet dalle bargat plána vuostá muittuhusa, man galgá doaimmahit gildii ovdal albmosisdoallanágge nohkama.
- Gielda doaimmaha cealkámuša plánas ja dan vuostá dahkkon muittuhusain ja maiddái guđđojuvvon muittuhanreivviid ealáhus-, johtalus- ja birasguovddáži (EBI-guovddáš). Plánas skáhppojuvo maiddái eanagotti lihtus cealkámuš. Dasa lassin lea vejolaš dárbbu mielde bivdit cealkámušaid earáge virgeopmahaččain. Cealkámušat ja muittuhusat gieđahallojit dasto EBI-guovddáži ja daid vuođul lea vejolaš dárbbu mielde bargat nuppástusaid plánii.
- Johtalusvirgebáikkis dahje spiehkastatdáhpusas Johtalus- ja gulahallanministerijas dahkko

dohkkehanmearrádus, mii buktojuvo sierra oassebellide diehtun ja ásahuvvo áššebáhpáriiguin gielddas albmosii. Mearrádussii sáhtá albmosisdoallanágge (30 beaivvi) ohcat nuppástusa váidimiin hálddahušiektái ja das maŋgá viidásabbot alimus hálddahušiektái. Johtalus- ja gulahallanministeriija dahkan mearrádusas váidojuvo njuolggá alimus hálddahušiektái.

Huksenbarguid álggaheapmi

Geaidnoplána dohkkehanmearrádusa vuođul sáhtá huksenbarguid álggahit váidimis fuolakeahtá, juos ii váidima gieđahalli duopmostuollu earáláhkai mearrit.

Massimiin, hehttehusain ja vahágiin máksojuvvon buhtadus

Geaidnodárkkuhusaide dárbbášuvvon eatnamis, burgojuvvon visttiin ja rusttegiin, rusttegiid sirdimiin ja maiddái vejolaš hehttehusain ja vahágiin máksojuvvon buhtadusain čovdojuvo dábálaččat eanamihtidandoaimmahusain. Geainnu plánema ja huksema áigge šaddan vahágiin máksojit buhtadusat dalán juos, eanaeaiggát ja geaidnodoalli sohpet buhtadusa sturrodagas. Vahátdáhpusain eanaeaiggát galgá váldit oktavuođa bargoeatnama hovdii.

Ássanvisttiid ja ealáhusain bargama dáfus vealtameahtun visttiid lotnumis sohppojuvo measta álot eaktodáhtolaš gávppiin. Eatnangeaidnodoaimmahus álggahuvo ovdal huksema álggaheami, ja dat joatkašuvvá vel huksema maŋgáge. Eatnangeaidnodoaimmahusa álgomuttus meroštallojit buhtadusat eanavuođus, visttiin, ja maiddái šattolašvuodas ja buhtadusat geahččaluvvojit máksot dakkaviđe. Buhtadusaid hehttehusas ja vahágis sáhtá meroštit ja máksit goittotge dábálaččat easka geainnu gárvánettiin.

Váldoáššis eatnangeaidnodoaimmahusas čovdon buhtadusáššit dikšojit virggi beales almmá sierra buhtadusgáibádusa haga. Vahágiid ja hehttehusaid buhttema várás áššeosolaš galgá goittotge leat aktiivvalaš ja bargat dain dárbbu mielde buhtadusgáibádusa eatnangeaidnodoaimmahusa áigge.

Juos eanaeaiggát dahje eará áššeosolaš lea duhtameahtun eatnangeaidnodoaimmahusas dahkkon mearrádusaide, son sáhtá ohcat nuppástusa eanarievttis.

www.ely-keskus.fi
www.liikennevirasto.fi